

2022թ.
առաջին կիսամյակի
հաշվետվություն

Յունիս 30, 2022



ԲՈՎԱՆՊԱԿՈՒԹՅՈՒՆ

ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ

Ամերիաբանկ՝ համառոտ ակնարկ

2022թ. առաջին կիսամյակի հիմնական ցուցանիշները և ձեռքբերումները

2022թ. առաջին կիսամյակ՝ հակիրճ անդրադարձ

ՌԱԶՄԱՎԱՐԱԿԱՆ ՀԱՇՎԵՏՎՈՒԹՅՈՒՆ

Ամերիաբանկի բիզնես-մոդելը և ռազմավարությունը

Արտաքին գործոններ. ՀՀ տնտեսությունը

Արտաքին գործոններ. ՀՀ մակրոտնտեսական ցուցանիշները

Բանկի միջնաժամկետ նպատակները

Ամերիաբանկի հիմնական ռազմավարական ձեռքբերումները 2022թ. առաջին կիսամյակի դրությամբ

ՌԻՍԿԵՐԻ ԿԱՌԱՎԱՐՈՒՄ

Հիմնական ռիսկեր

2022թ. առաջին կիսամյակի ամփոփ նկարագիր

02

03

04

05

06

07

12

13

14

15

18

19

23

ԿԱՌԱՎԱՐՄԱՆ ՀԱՇՎԵՏՎՈՒԹՅՈՒՆ

Ուժեղ թիմ և կորպորատիվ մշակույթ

Կորպորատիվ կառավարման կառուցվածքը

Տնօրենների խորհուրդ

Տնօրենների խորհրդին կից կոմիտեներ

Տնօրինություն

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

ՀԱՇՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

24

25

26

27

28

29

30

35



Ընդհանուր տեղեկություններ



Ամերիաբանկ՝ համառոտ ակնարկ

«Ամերիաբանկ» ՓԲԸ-ն դինամիկ զարգացող բանկ է: Այն դասվում է երկրի ամենակայուն և խոշոր ֆինանսական հաստատությունների շարքին և ունի հստակ ձևակերպված թվայնացման օրակարգ: «Ամերիաբանկ» ՓԲԸ-ն ունիվերսալ բանկ է, որը մատուցում է կորպորատիվ, ներդրումային և մանրածախ բանկային ծառայություններ՝ առաջարկելով բանկային լուծումների ամբողջական փաթեթ: Առաջնորդվելով կյանքի որակը բարելավելու առաքելությամբ՝ Ամերիաբանկը մշտապես ընդլայնում է թվային հնարավորությունները՝ մշակելով նոր պրոդուկտներ և լուծումներ հաճախորդների կարիքներն ու նախասիրությունները բավարարելու համար:



2022թ. առաջին կիսամյակի հիմնական ցուցանիշները և ձեռքբերումները

Ընդհանուր ակնարկ

- Կորպորատիվ, ներդրումային և մանրածախ բանկային ծառայություններ մատուցող առաջատար ունիվերսալ բանկը Հայաստանում
- Մեծ ներդրում Հայաստանի բանկային համակարգի զարգացման մեջ
- Ճարունակական գնահատանք և որակի ճանաչում հեղինակավոր միջազգային հաստատությունների կողմից
- Հնարավոր ամենաբարձր վարկանիշ՝ սուվերեն վարկունակության սահմանափակումների շրջանակներում



23
մասնաճյուղ



1281
աշխատակից




Բանկոմատների
ամենամեծ
ցանցը
մայրաքաղաքում



vPOS
տերմինալների
խոշորագույն
ցանցը երկրում



POS տերմինալների
ամենամեծ ցանցերից
մեկը երկրում



Վարկանիշ


S&P

Երկարաժամկետ	B+
Կարճաժամկետ	B
Հեռանկարը	Կայուն
SACP	bb-

Moody's

Բանկային ավանդներ	Ba3/NP
BCA	b1
CRA	Ba3(cr)/NP(cr)
Հեռանկարը	Բացասական

Բաժնետիրական կառուցվածք



2022թ. առաջին կիսամյակի հակիրճ անդրադարձ

2022թ. 2-րդ եռամսյակի արդյունքները

685 մլրդ
ՀՀ դրամի վարկեր*

757 մլրդ
ՀՀ դրամի ավանդներ**

1,112 մլրդ
ՀՀ դրամի ակտիվներ

147 մլրդ
ՀՀ դրամի սեփական կապիտալ

965 մլրդ
ՀՀ դրամի պարտավորություններ

19.1 մլրդ
ՀՀ դրամի շահույթ

- Աննախադեպ բարձր զուտ շահույթ (19.1 մլրդ ՀՀ դրամ), որը 102%-ով բարձր է նախորդ տարվա ցուցանիշից:
- Ամերիաբանկն արժանացել է Euromoney ամսագրի 2022թ. գերազանցության մրցանակին՝ որպես տարվա լավագույն բանկը Հայաստանում
- Ամերիաբանկն արժանացել է 2022թ. «Կայուն ֆինանսավորման գծով լավագույն բանկ Հայաստանում» մրցանակին Global Finance ամսագրի կողմից:
- Հեռավար և թվային ուղիներով կատարված գործարքների մասնաբաժինը բանկի կողմից կատարված գործարքների ընդհանուր թվում կազմել է 92%, իսկ ինտերնետ-բանկինգի օգտագործման գործակիցը՝ 60%, ինչը 4 տոկոսային կետով բարձր է տարեսկզբի ցուցանիշից:
- Հաճախորդների հավատարմության գործակիցը (NPS) կազմել է 75.5%, իսկ հաճախորդների փորձառության գործակիցը (CEI) ***՝ 9.6:



*Առանց արժեզրկման մասհանումների, բայց ներառյալ առևտրի ֆինանսավորումը

**Ընթացիկ հաշիվներ, ժամկետային ավանդներ և պարտատոմսեր

***NPS՝ Հաճախորդների հավատարմության գործակից
CEI՝ Հաճախորդների փորձառության գործակից, որի առավելագույն արժեքը 10 է



Ռազմավարական հաշվետվություն



Ամերիաբանկի բիզնես մոդելը և ռազմավարությունը

2022թ.-ի 1-ին կիսամյակի ընթացքում Բանկը վերահաստատեց իր ներուժը՝ որպես հաճախորդների վստահությունը վայելող ժամանակակից, կայուն, իրացվելի, դինամիկ աճող և մրցունակ ֆինանսական ինստիտուտ՝ հետագա աճի, զարգացման և մրցունակության էական հնարավորություններով: Հիմնական շեշտադրումը ուղղվելով մատչելի բանկային ծառայությունների հասանելիությանն ու սպասարկման որակին՝ Բանկն արդեն իսկ դիրքավորվել է որպես նորարարությամբ և սպասարկման չափանիշներով առաջատար:

Բանկն անընդհատ և հետևողականորեն կատարելագործում է աշխատանքի կազմակերպման մոդելը, կորպորատիվ կառավարման համակարգը, հաճախորդների սպասարկման տեխնոլոգիաները, անընդհատ ընդլայնում է բանկային ծառայությունների փաթեթը, ձևավորում հմուտ և մասնագիտացված աշխատակազմ: Բանկի համար կարևոր է ապահովել կայուն աճի հնարավարություն, որը որոշակիորեն (որպես խոշորագույն առևտրային բանկ) կնպաստի երկրում մակրոտնտեսական կայունության և տնտեսության վերականգնմանը, ինչպես նաև շուկայի մասնաբաժնի ավելացմանը: Բանկն աճին զուգընթաց կարևորում է նաև երկարաժամկետ հատվածում արդյունավետության և պատասխանատու բիզնես մոդելի հետագա բարելավումը: Այս առումով թվային բանկինգը կարևորվում է ոչ միայն հաճախորդների բավարարվածությունը բարձրացնելու նպատակով, այլև ծախսատարության կրճատման տեսանկյունից:



Ամերիաբանկի բիզնես մոդելը և ռազմավարությունը (շարունակություն)

Հաճախորդներին որակյալ բանկային և ներդրումային, այդ թվում նորարար թվային լուծումներով պայմանավորված ծառայություններ տրամադրելու նպատակով Բանկը սահմանել է հետևյալ առաքելությունը՝ ԲԱՐԵԼԱՎԵԼ ԿՅԱՆՔԻ ՈՐԱԿԸ՝

- տրամադրելով հաճախորդներին ՄԻՋԱԶԳԱՅԻՆ ՈՐԱԿԻ ֆինանսական ծառայություններ և գործարար լուծումներ,
- իրականացնելով հասարակության ԲԱՐՕՐՈՒԹՅԱՆ համար նշանակալի բիզնես և սոցիալական ծրագրեր,
- ձևավորելով յուրահատուկ կորպորատիվ մշակույթ և միջազգային ընկերության զարգացման սեփական մոդել՝ ՄԻԱՎՈՐԵԼՈՎ ՀԱՋՈՂԱԿ ՄԱՐԴԿԱՆՑ,
- շարունակաբար ԱՎԵԼԱՑՆԵԼՈՎ մեր ԲԱԺՆԵՏԻՐԱԿԱՆ ԱՐԺԵՔԸ:

Բանկի տեսլականն է՝ դառնալ ֆինանսական և գործարար լուծումներ տրամադրող ՄԻՋԱԶԳԱՅԻՆ ԸՆԿԵՐՈՒԹՅՈՒՆ: Լինել թիրախային շուկաներում ԱՌԱՋԱՏԱՐԸ սպասարկման որակով և արդյունավետությամբ՝ ներգրավելով ընդհանուր արժեքներ կրող բացառիկ մարդկանց:

Բանկն իր գործունեության ընթացքում առաջնորդվում է հետևյալ երեք հիմնական արժեքներով՝ հաճախորդների բավարարվածության բարձր մակարդակ, աշխատանքի ու սպասարկման բարձր որակ, արհեստավարժություն և թիմային ոգի: Հիմնվելով վերոնշյալ արժեքների վրա՝ Բանկը կշարունակի ձևավորել ՀՀ բանկային համակարգում բարձր արդյունավետությամբ աչքի ընկնող կառավարման համակարգ և ներդնել կառավարման մշակույթի նոր արժեքներ, որոնք ոչ միայն կնպաստեն Բանկի հետագա գործունեության բարելավմանը, այլև նաև օրինակելի մոդել կհանդիսանան այլ տնտեսվարողների համար:

Բանկը բիզնեսի զարգացման էական ուղղություններ է համարում.

- թվային ծառայությունների հետագա բարելավումը և բազմազանեցումը
- բանկային ծառայություններից հեռավար օգտվող հաճախորդների մասնաբաժնի ավելացումը



Ամերիաբանկի բիզնես մոդելը և ռազմավարությունը (շարունակություն)

- գործառնական բանկային ծառայությունների կշռի ավելացումը
- սպասարկման բոլոր ուղիներով հաճախորդների բավարարվածության ավելացումը
- մանրածախ բիզնեսի զարգացումը՝ նպատակային ֆինանսավորման միջոցով
- ՓՄՁ ուղղության զարգացում
- հետճգնաժամանային առավել բարձր պոտենցիալ ունեցող տնտեսվարողների ֆինանսավորում
- անկանխիկ շրջանառության և գործիքների աճը

Իր գործունեության զարգացման ներկայիս փուլում Բանկն էլ ավելի է արժևորում տեղեկատվության և (կամ) վերլուծությունների հիման վրա որոշումների կայացման կարևորությունը: Այս առումով Բանկն իրականացնում է համապատասխան տեղեկատվական բազաների կառուցման և դրանց հիման վրա կիրառական վերլուծությունների ավելի ինտենսիվ իրականացման նախագծեր: Բացի տեղեկատվության կարևորումից, Բանկի ղեկավարության համար առանձնացվել են ռազմավարական ուշադրությանն արժանի **հինգ հիմնական անկյունաքարեր**.

- Լինել **չուկայի առաջատարը**. ապահովել մրցակիցների համեմատ առաջանցիկ օրգանական աճի տեմպեր և միևնույն ժամանակ շարունակել դիտարկել ոչ օրգանական աճի հնարավորությունները: Շուկայի առաջատարությունն ապահովելու նպատակով Բանկն ակնկալում է առավել մեծ ուշադրություն դարձնել կապիտալի արդյունավետ օգտագործմանը և շարունակել խթանել գործառնական բանկային ծառայությունները: Ելնելով ներկայիս դեմոգրաֆիական իրավիճակից և հաշվի առնելով բանկային ծառայությունների ներկայիս ծածկույթը՝ Բանկը պլանավորում է էականորեն ավելացնել Նոր հաճախորդների քանակը, էապես բարելավել գործող հաճախորդներին խաչաձև վաճառքները:
- Բարձրացնել **արդյունավետությունը**. ապահովել կապիտալի շահութաբերության պատշաճ, ինչպես նաև ծախսերի և եկամուտների հարաբերակցության գործակցի առավել ցածր մակարդակ: Արդյունավետության բարձրացման ապահովման նպատակով Բանկն իրականացնում է մի շարք նախագծեր, որոնք ուղղված են ներքին գործընթացների և գործառնականության ավտոմատացմանը, կառուցվածքային և բիզնես մոդելի օպտիմալացմանը:



Ամերիաբանկի բիզնես մոդելը և ռազմավարությունը (շարունակություն)

- Ընդլայնել **թվայնացման** ծավալները. դառնալ հեռահար բանկային ծառայություններ մատուցող առաջատար բանկ՝ հնարավորինս ավտոմատացնելով գործընթացները: Բանկն արդեն իսկ իրականացնում է, ինչպես նաև ապագայում նախատեսում է իրականացնել մի շարք նախագծեր, որոնք մեծապես կնպաստեն թվային կապուղիների ընդլայնմանը, մի շարք պրոդուկտներ կթվայնացվեն: Այդ ամենը կնպաստի թվայնացման ծավալների ավելացմանը, ինչն էլ իր հերթին կհանգեցնի հաճախորդների փորձառության բարելավմանը:
- Բարձրացնել **դիվերսիֆիկացիայի** աստիճանը. հիմնական շեշտը դնել մանրածախ և ՓՄՁ ծառայությունների պորտֆելների և գործառնական բանկային ծառայությունների ընդլայնման վրա: Դիվերսիֆիկացիան ավելացնելու նպատակով Բանկը նախատեսում է ըստ հաճախորդների կարիքների վերանայել Բանկի ներքին բիզնես գործընթացները և առաջարկվող ծառայությունները:
- Ընդլայնել **հաճախորդների փորձառությունը**. լինել հաճախորդակենտրոն Բանկի գործունեության բոլոր ուղղություններում, ապահովել հաճախորդների լոյալության և հաճախորդների փորձառության ինդեքսի ամենաբարձր ցուցանիշները: Բանկը մշտապես ներդրումներ է կատարում Բանկի անձնակազմի վերապատրաստումների ուղղությամբ, ինչի արդյունքում կատարելագործվում են անձնակազմի հաղորդակցման հմտությունները և աճում է սպասարկման որակը: Այս բոլոր գործողությունները կնպաստեն հաճախորդների բավարարվածության բարձրացմանը:

Բանկի միջնաժամկետ քանակական և որակական նպատակները բխում են առաջատար ունիվերսալ բանկ դառնալու ռազմավարական զարգացման ուղղությունից, Բանկի առաքելությունից, ուժեղ և թույլ կողմերից:

Իր զարգացման ներկա փուլում Բանկը նաև առաջնահերթություն է տալիս **տվյալների վրա հիմնված որոշումների կայացմանը**: Այդ նպատակով Բանկը սկսել է ավելի ճկուն և համապարփակ դարձնել իր տվյալների բազաները՝ այսպիսով որոշումների կայացման հիմքում ավելի մեծ տվյալներ և ընդգրկուն վերլուծություններ դնելու նպատակով:



Ամերիաբանկի բիզնես մոդելը և ռազմավարությունը (շարունակություն)

Բանկի գործունեությունը մեծապես պայմանավորվում է արտաքին միջավայրում տեղի ունեցող իրադարձություններով: Բանկը սեփական և հաճախորդների կարիքները բավարարելու համար գործունեություն է ծավալում ինչպես ներքին, այնպես էլ արտաքին շուկաներում, ուստի Բանկի գործունեության վրա ազդում են և՛ հայրենական, և՛ միջազգային շուկաներում տեղի ունեցող իրադարձությունները:

Արտաքին գործոնների հետ կապված անորոշությունը շարունակում է մնալ բարձր՝ առաջին հերթին պայմանավորված ռուս-ուկրաինական կոնֆլիկտով: 2022թ. Ակնկալվում է համաշխարհային տնտեսության աճի դանդաղում, իսկ զարգացած երկրների դեպքում առկա է նույնիսկ տնտեսական անկման ռիսկ:

Բանկի գործունեության վրա էական ազդեցություն են թողնում հետևյալ արտաքին գործոնները՝

- Ռուս-ուկրաինական կոնֆլիկտով պայմանավորված համաշխարհային տնտեսության, այդ թվում նաև հիմնական առևտրային գործընկերների անկայուն տնտեսական իրավիճակը, դեռևս պահպանվող անորոշությունն ու աշխարհաքաղաքական ռիսկերը,
- Աննախադեպ բարձր համաշխարհային գնաճի տեմպերը՝ պայմանավորված հիմնականում վառելիքի, հումքային շուկաների և սննդամթերքի գնաճով, որոնք բացատրվում են հիմնականում մատակարարման շղթաների խափանումներով, առևտրային սահմանափակումներով և տնտեսական պատժամիջոցներով:
- միջազգային շուկաներում տոկոսադրույքների աճը, գրեթե բոլոր կենտրոնական բանկերի կողմից վարվող զսպող դրամավարկային քաղաքականությունը,
- բանկային համակարգում մրցակցության պահպանումը և օտարերկրյա ներդրողների կողմից կապիտալ ներդրումների նվազումը:

Չնայած արտաքին տնտեսական մարտահրավերներին՝ Հայաստանի տնտեսական աճի դինամիկան դրական միտում ունի, ինչը լավ նախադրյալներ է ստեղծում Բանկի հետագա օրգանական աճի համար 2022 հունվար-հունիսին տնտեսական ակտիվության ցուցանիշը կազմել է 11.8%: Միջազգային կազմակերպությունների վերջին կանխատեսումների համաձայն՝ 2022թ. ՀՀ ՀՆԱ աճը կկազմի 3.5-5% աճ: ՀՀ ԿԲ կանխատեսում է 4.9% տնտեսական աճ 2022 թ. համար: 2022թ. առաջին կիսամյակում գնաճը կազմել է 8.1%, և ակնկալվում է, որ գնաճային ճնշումները կպահպանվեն նաև երկրորդ կիսամյակի ընթացքում:





Արտաքին գործոններ. ՀՀ տնտեսությունը

Ընդհանուր տեղեկություններ

ՀՆԱ՝ 13.9 մլրդ (2021, ԱՄՆ դոլարի ընթացիկ փոխարժեքով)
 Մեկ շնչին բաժին ընկնող ՀՆԱ-ն՝ 4,68 հազար (2021, ԱՄՆ դոլարի ընթացիկ փոխարժեքով)
 Moody's-ի վարկանիշ՝ Ba3 (բացասական)
 Fitch-ի վարկանիշ՝ B+ (կայուն)
 S&P վարկանիշ՝ B+ (կայուն)


Դիվերսիֆիկացված տնտեսություն

ՀՆԱ-ի կառուցվածքն ըստ արտադրության ճյուղերի*



†2022թ. 2-րդ եռ. իրական ՀՆԱ-ի աճի վերաբերյալ տվյալները դեռ հասանելի չեն: Օգտագործվում է 2022թ. հունվար-հունիս ամիսների տնտեսական ակտիվության ցուցանիշը (ՀՆԱ-ն արտահայտող ցուցանիշ):

Ամենակայուն արժույթը տարածաշրջանում
 (ԱՄՆ դոլարի նկատմամբ տարածաշրջանի այլ արժույթների փոխարժեքների դինամիկա)**




**Փոխարժեքի օրական տատանումները՝ որպես հիմք ընդունելով 2014թ. հունվար ամիսը Աղբյուր՝ Bloomberg




Արտաքին գործոններ. ՀՀ մակրոտնտեսական ցուցանիշներ


AMD/USD (միջին օրական)



AMD/EUR (միջին օրական)




AMD/RUB (միջին օրական)




Հիմնական ցուցանիշները

- 2022թ. հունվար-հունիս ժամանակահատվածի տնտեսական ակտիվության ինդեքսը (ՀՆԱ-ի աճն արտահայտող ցուցանիշը) կազմեց 11.8%, ինչը 6.8 տոկոսային կետով բարձր է 2021թ. նույն ժամանակահատվածի ցուցանիշից:
- 12 ամսվա սպառողական գների կուտակային ինդեքսը 2022թ. 2-րդ եռամսյակի տվյալներով կազմեց 10.3%՝ նախորդ տարվա 5.7% համեմատ: Այն շարունակում է մնալ ամենացածր ցուցանիշը տարածաշրջանում:
- 2022թ. 2-րդ եռամսյակի արդյունքներով հայկական դրամն ԱՄՆ դոլարի համեմատ արժևորվել է 10.2%-ով՝ 2021թ. 2-րդ եռամսյակի ցուցանիշի համեմատությամբ (հիմք է ընդունվում միջին օրական ցուցանիշը):
- 2022թ. 1-ին եռամսյակի տվյալներով ընթացիկ հաշվի պակասորդը նախորդ տարվա մինևույն ժամանակահատվածի համեմատ աճել է:
- Փոխանցումները 2022թ. հունվար-հունիս ամիսներին տարեկան կտրվածքով գրեթե կրկնապատկվել են:

Ընթացիկ վճարային հաշվեկշիռ*




Արտահանում և ներմուծում




Միջազգային պահուստներ




Մասնավոր փոխանցումներ**



ՍԳԻ (12 ամիս)



Տնտեսական ակտիվության ինդեքս (12 ամիս)




Աղբյուր՝ ՀՀ վիճակագրական կոմիտե, ՀՀ ԿԲ

* Թարմացված տվյալները դեռևս առկա չեն:

**Փոխանցումները ներառում են ֆիզիկական անձանց՝ բանկերի միջոցով կատարվող ընդհանուր առևտրային և մասնավոր փոխանցումները:




Բանկի միջնաժամկետ նպատակները



Ամերիաբանկի հիմնական ռազմավարական ձեռքբերումները 2022թ. առաջին կիսամյակի դրությամբ

Հեռավար սպասարկման լայն հնարավորություններ

Տարբեր ուղիներով իրականացվող գործարքների կշիռը



43% տարեկան Մոբայլ և ինտերնետ-բանկինգ համակարգերի օգտատերեր



48% տարեկան գործարքներ մոբայլ և ինտերնետ-բանկինգ համակարգով




44% Թվային ուղիներով վաճառքների մասնաբաժին




71% Թվային կոնվերսիայի գործակից**

Ինտերնետ-բանկինգի օգտագործման գործակից



Բեռնաթափման գործակից*



Ամերիաբանկի հիմնական ռազմավարական ձեռքբերումները 2022թ. առաջին կիսամյակի դրությամբ (շարունակություն)

	Ընթացիկ կարգավիճակ	Միջնաժամկետ նպատակներ
<p>Հաճախորդների գերազանց սպասարկում եւ բարձր բավարարվածություն</p>	<p>75.5% Հաճախորդների հավատարմության գործակից</p> <p>9.6 Հաճախորդների փորձառության գործակից</p>	<p>≥ 70%</p> <p>≥ 9.3</p>
<p>Առցանց շուկայական հարթակներ/ էկոհամակարգեր</p>	<p>Ներդրված էկոհամակարգեր</p> <ul style="list-style-type: none"> • Ավտոշուկա • Անշարժ գույքի շուկա • Էլեկտրոնային առևտուր • ՓՄՁ էկոհամակարգեր 	<p>Էկոհամակարգերի շուկայի ծածկույթի գործակից</p> <p>≥ 50%</p>
<p>Աշխատակիցների բավարարվածություն եւ բարեկեցություն</p>	<p>81% Աշխատակիցների բավարարվածության գործակից</p>	<p>≥ 80%</p>



Ամերիաբանկի հիմնական ռազմավարական ձեռքբերումները 2022թ. առաջին կիսամյակի դրությամբ (շարունակություն)


Կայունության ապահովման ռազմավարություն

Երկարաժամկետ պարտավորություն
ստեղծելու կայուն միջավայր և աջակցելու մեր հաճախորդներին չեզոք ածխածնային տնտեսությանն անցնելու գործում:



Կանաչ պարտատոմսերի թողարկում

- **Կանաչ պարտատոմսերի** առաջին թողարկողը Հայաստանում
- Կանաչ պարտատոմսերի թողարկում **64 մլն ԱՄՆ դոլարի**



Ազդեցություն*

- 128,862 տոննա** ածխաթթու գազի արտանետումներից խուսափում
- 156,571,928 կՎտ-ժ** արտադրված մաքուր էներգիայի ընդհանուր տարեկան ծավալ

Բիզնեսի պատասխանատու վարում եւ ներդրում հասարակության բարօրության գործում

- **ՇԱՍ ռիսկերի կառավարում** լավագույն փորձին համապատասխան
- **2021թ. ԿՍՊ ծրագրերին հատկացվել է 118 մլն ՀՀ դրամ:**

ԿՍՊ ծրագրեր

Երեխաների առողջություն ու բարեկեցություն

Կրթական ծրագրեր

Եկթակառուցվածքի և համայնքի զարգացման ծրագրեր

*Կանաչ պարտատոմսերի ազդեցության մասին 2021թ. հաշվետվություն



Ռիսկերի կառավարում



Հիմնական ռիսկեր

Մակրոտնտեսական ռիսկեր

2022թ.-ի առաջին կիսամյակում ՀՀ տնտեսության վրա էական ազդեցություն են ունեցել ռուս-ուկրաինական հակամարտության զարգացումները: Տնտեսական ակտիվության տեմպերի դանդաղումը ՀՀ-ում և ՀՀ հիմնական գործընկեր երկրներում մասամբ պայմանավորված է աշխարհաքաղաքական անորոշությունների բարձր մակարդակով: Համաշխարհային տնտեսության վրա էական ազդեցություն է ունենում գնաճի բարձր մակարդակը, որը հանգեցնում է դրամավարկային քաղաքականությունների խստացումների: ՀՀ-ում գնաճային միջավայրին նպաստող գործոններից են ներմուծվող ապրանքների միջազգային շուկաներում բարձրացված գները, ինչպես նաև ծառայությունների ոլորտում արտաքին պահանջարկի ավելացումը ՀՀ ժամանած ոչ ռեզիդենտ այցելուների կողմից: Մինչև տարեվերջ մակրոտնտեսական միջավայրի սպասումներում առկա են մեծ անորոշություններ՝ կապված աշխարհաքաղաքական իրավիճակի հետագա զարգացումների, ՀՀ տնտեսության վրա էական ազդեցություն ունեցող երկրների սպասվող տնտեսական աճի տեմպերի, դրամավարկային քաղաքականությունների միտումների հետ: (ՀՀ մակրոտնտեսական ցուցանիշների մասին առավել մանրամասն ծանոթանալու համար տե՛ս «Ռազմավարական հաշվետվություն» բաժինը):

Ամերիաբանկը 2022թ.-ի առաջին կիսամյակում գործում էր սահմանված ռիսկի ախորժակի շրջանակներում. ամենահավանական սցենարներով հաշվարկված սթրես թեստերը և կանխատեսումները ցույց են տալիս, որ 2022 թվականի ընթացքում ռիսկերի մակարդակը չի գերազանցի նախանշված սահմանաչափերը՝ տնտեսական իրավիճակին համահունչ սահմանված ֆինանսական թիրախային ցուցանիշների ապահովման դեպքում:

Վարկային ռիսկ

Ամերիաբանկի չաշխատող վարկերի ցուցանիշը (ըստ ՖՀՄՄ մեթոդաբանության) նախորդ տարվա նույն ժամանակաշրջանի համեմատ բարելավվել է 0,8տ.կ-ով և կազմել է 2,9%, որը չի գերազանցում Բանկի կողմից սահմանված ընդունելի մակարդակը և բանկային համակարգի համապատասխան ցուցանիշը: Կորպորատիվ վարկերի պորտֆելում այդ ցուցանիշը կազմել է 3.6%, իսկ մանրածախ վարկերի պորտֆելում 2,1%: Երկու պորտֆելների գծով տեղի է ունեցել ցուցանիշի բարելավում: Հավանական վարկային ռիսկերի գծով Բանկի կողմից ստեղծված է համապատասխան պահուստ՝ ծածկման գործակիցը կազմում է 72%:

Վարկավորման ընթացքում Բանկի կողմից կիրառվող ռիսկի զսպման գործիքները, ինչպիսին են ոլորտային և պրոդուկտային դիվերսիֆիկացիան, արտարժույթային վարկերի ռիսկի հեջավորումը, վճարունակության ցուցանիշների նվազագույն արժեքները, թույլ տվեցին ապահովել պորտֆելի կայունությունը կիսամյակի ընթացքում ստեղծված Համաշխարհային տնտեսական միջավայրի անբարենպաստ զարգացումներ:



Հիմնական ռիսկեր (շարունակություն)

Շուկայական ռիսկեր

2022թ.-ի առաջին կիսամյակի արդյունքներով շուկայական ռիսկերից առաջացած վնասները չեն գերազանցել տվյալ գծով սահմանված ռիսկի ախորժակը:

Վնասների աղբյուրները եղել են արտարժութային և տոկոսադրույքի ռիսկերը:

Արտարժութային բաց դիրքի բացասական վերագնահատումների շոշափելի մասը առաջացել է ԱՄՆ դոլարի` Դրամի նկատմամբ կտրուկ տատանումների հետևանքով, սակայն կուտակված վնասները ծածկվել են փոխարկումների արդյունքում գոյացած հավելյալ եկամտաբերությամբ: Բաց արտարժութային դիրքերը բացարձակ մեծությամբ միջինում չեն գերազանցել Բանկի կապիտալի 5%-ը, իսկ փոխարժեքի բարձր տատանողականության հետևանքով առաջացող հնարավոր վնասները փոխհատուցվում են` առքի ու վաճառքի գների տարբերության ընդլայնմամբ պայմանավորված հավելյալ եկամուտների հաշվին:

Տոկոսադրույքի ռիսկից առաջացած վնասները մեծամասամբ պայմանավորված են եղել պորտֆելում առկա վերագնահատվող արժեթղթերի բացասական վերագնահատումներից` պայմանավորված տեղական և միջազգային շուկաներում տոկոսադրույքների մակարդակների բարձրացումով տարեսկզբի նկատմամբ: Արժեթղթերի պորտֆելի ռիսկը 2022թ. առաջին կիսամյակում չի գերազանցել հատկացված ռիսկի ախորժակը և կառավարվել է սահմանափակ դյուրացիայի (~3.1տարի) և սահմանափակ կենտրոնացումների պայմաններում: Բանկի արժեթղթերի պորտֆելը բաղկացած է առավելապես ՀՀ և միջազգային բարձր վարկանիշ ունեցող երկրների պետական պարտատոմսերից (շուրջ 85%), ինչն էապես նվազեցնում է պորտֆելում վարկային ռիսկը:

Տոկոսադրույքի ռիսկից առաջացած ոչ էական (ոչ ավելի, քան կապիտալի 0.30%) վնասներ կուտակվել են փոփոխվող տոկոսադրույքով բաց դիրքերի վերագնահատումից` պայմանավորված հիմքում ընկած տոկոսադրույքի` Բանկի համար անբարենպաստ փոփոխությամբ: Վերագնահատումները կառավարվում են բաց դիրքերի վրա գործող սահմանափակումների, ինչպես նաև ածանցյալ գործիքների միջոցով:

Տոկոսադրույքի ռիսկի տեսանկյունից առկա են որոշակի անորոշություններ` պայմանավորված աշխարհաքաղաքական և գնաճային անորոշությունների մեծացման պայմաններում տարբեր Կենտրոնական Բանկերի կողմից դրամավարկային քաղաքականության խստացմամբ / հիմնական տոկոսադրույքների բարձրացմամբ:



Հիմնական ռիսկեր (շարունակություն)

Իրացվելիության ռիսկ

Իրացվելիության բոլոր գործակիցներն անգամ ամենաբացասական սթրեսային սցենարների դեպքում համապատասխանում են ՀՀ ԿԲ-ի կողմից սահմանված պահանջներին: 2022թ.-ի առաջին կիսամյակում իրացվելիության ռիսկը ոչ էական էր և զսպվում էր ընդհանուր ռիսկի պարամետրերի համակարգի շրջանակներում: Հաշվետու ժամանակաշրջանի դրությամբ Բանկի ավելցուկային իրացվելիության մակարդակը կազմել է շուրջ 124 մլրդ դրամ, ինչը բավարար է ցպահանջ ավանդների և ֆիզիկական անձանց ժամկետային ավանդների շուրջ 22%-ի ակնթարթային արտահոսք ենթադրող սթրեսային սցենարի դեպքում, որն ունի չնչին հավանականություն՝ ներկայիս մակրոտնտեսական միջավայրի և սպասումների պայմաններում:

Գործառնական ռիսկեր

Ներքին գործընթացների կարգավորման և վերահսկման շնորհիվ բանկը գործառնական ռիսկը պահում է ցածր մակարդակի վրա: 2022թ. 1-ին կիսամյակի կրած ընդհանուր գործառնական վնասը չի գերազանցել Բանկում գործառնական վնասի համար սահմանված կորուստների ընդունելի չափի 1%-ը:

Համաշխարհային տնտեսական միջավայրի անբարենպաստ զարգացումների, համաճարակային իրավիճակի հավանական զարգացումների հետևանքների, հնարավոր սցենարների վերլուծության, ռիսկերի գնահատման և կառավարման ուղղությամբ շարունակական գործողություններ են իրականացվում բանկի Արտակարգ իրավիճակում գործարար գործընթացների անընդհատության կառավարման քաղաքականության և Ամերիաբանկ ՓԲԸ ֆինանսական վիճակի էական վատթարացման դեպքում ֆինանսական վիճակի բարելավմանն ուղղված վերականգնման ծրագրի համաձայն:

Բանկի գործընթացները, պրոդուկտները, համակարգերը հիմնականում գտնվում են ընդունելի գործառնական ռիսկի պայմաններում:

Երկարաժամկետ հորիզոնում էական գործառնական ռիսկի աղբյուր է շարունակում մնալ կիբերհանցագործությունների ավելացումը ամբողջ աշխարհում, որը թիրախավորում է առաջին հերթին հենց բանկային ոլորտը: Համացանցի և բջջային հավելվածների միջոցով իրականացվող առևտրի ծավալի աճին զուգահեռ ողջ աշխարհով մեկ աճում է նաև քարտային գեղծարարությունների թիվը:



Հիմնական ռիսկեր (շարունակություն)

Բանկային բիզնեսի թվային վերափոխման միտումներով պայմանավորված հնարավոր է նաև գործառնական ռիսկերի և տեղեկատվական անվտանգության ռիսկերի հետ կապված դեպքերի քանակային աճ: Այս ռիսկերի արդյունավետ կառավարման նպատակով ուշադրության կենտրոնում են շարունակում մնալ տեղեկատվական տեխնոլոգիաները, SS անվտանգության ապահովման մեխանիզմները, տեղեկատվական անվտանգության կառավարման համակարգերը, ընթացիկ պրոյեկտները և նոր ներդրված համակարգերը:

Շրջակա միջավայրի և սոցիալական ռիսկեր

Ամերիաբանկ ՓԲԸ-ը, կարևորելով շրջակա միջավայրի և սոցիալական ռիսկերի կառավարումը, իր գործունեության ընթացքում ապահովում է շրջակա միջավայրի և սոցիալական օրենսդրական պահանջների համապատասխանություն և միջազգային լավագույն փորձի ներդրում: Բանկը շարունակել է նաև Կանաչ վարկերի ֆինանսավորումը, մասնավորապես վերականգնվող էներգիային ուղղուում:

Բանկի կողմից ֆինանսավորվող ծրագրերի գնահատումն իր մեջ ներառում է նաև շրջակա միջավայրի և սոցիալական ռիսկերի գնահատում, ինչի արդյունքում Բանկի վարկային պորտֆելի շրջակա միջավայրի և սոցիալական ռիսկերը գտնվում են կառավարելի մակարդակում: Բանկի կողմից չեն ֆինանսավորվում այն ծրագրերը, որոնցում առկա են շրջակա միջավայրի կամ սոցիալական էական ռիսկեր, ինչպես նաև օրենսդրությամբ և միջազգային ստանդարտներով սահմանված արգելված գործունեություն:

Այլ ռիսկեր

Բանկի ֆինանսական վիճակի վրա հաշվետու ժամանակաշրջանում էական ազդեցություն չեն գործել համբավի, իրավական և բիզնես մոդելի (մարտավարության) ռիսկերը: Ծնորհիվ Բանկում ներդրված գործընթացների՝ համակարգերի նշված ռիսկերը կառավարվել են պատշաճ մակարդակով, և բացասական սպասումներ ընթացիկ տարվա ընթացքում չեն ձևավորվել:



2022թ. առաջին կիսամյակի ամփոփ նկարագիր

2022թ.-ի առաջին կիսամյակում բանկը գործել է սահմանված ռազմավարական ռիսկի ախորժակի շրջանակներում: Կրած կորուստները չեն գերազանցել կապիտալի նախատեսված մասնաբաժինը: Բանկի կապիտալի համարժեքության ցուցանիշը գտնվել է ընդունելի մակարդակում ողջ ժամանակահատվածի համար: 2022թ.-ի առաջին կիսամյակի ընթացքում վնասների հիմնական աղբյուր են հանդիսացել շուկայական և վարկային ռիսկերը. այլ աղբյուրներից կուտակված վնասները չեն ունեցել որևէ զգալի ազդեցություն Բանկի ֆինանսական վիճակի վրա:



Կառավարման հաշվետվություն



Ուժեղ թիմ և կորպորատիվ մշակույթ

1

Բացառիկ կորպորատիվ մշակույթ, հորիզոնական կառավարում և միայն արժանիքների վրա հիմնված վարձատրության համակարգ

2

ՀՀ շուկայում ֆինանսական ծառայություններ մատուցող ամենապրոֆեսիոնալ և տաղանդավոր թիմերից մեկը

3

Խորհրդին կից կոմիտեներ` լավագույն միջազգային չափանիշներին համապատասխան

4

Փորձառու և բազմակողմանի միջազգային փորձ ունեցող Խորհրդի անդամներ

5

Լավագույն փորձի վրա հիմնված կորպորատիվ կառավարման համակարգ և սկզբունքներ




Կորպորատիվ կառավարման կառուցվածքը

Կորպորատիվ կառավարումն Ամերիաբանկում միտված է հավասարակշռելու Բանկի բաժնետերերի, Տնօրենների Խորհրդի, գործադիր ղեկավարության և այլ շահագրգիռ անձանց շահերը, սահմանելու կորպորատիվ հարցերով որոշումներ կայացնելու կանոններն ու ընթացակարգերը, ինչպես նաև ներդնելու կորպորատիվ կառավարման այնպիսի համակարգ, որը թույլ կտա ստեղծել վստահության, թափանցիկության և հաշվետվողականության միջավայր ու կնպաստի անհրաժեշտ երկարաժամկետ ներդրումների, ֆինանսական կայունության և աճի խթանմանը:

Ամերիաբանկը շարունակաբար կատարելագործում է իր կորպորատիվ կառավարման համակարգը՝ համապատասխանեցնելով այն միջազգային լավագույն փորձին և կիրառելի օրենսդրական և կանոնակարգային պահանջներին:

Բանկի կորպորատիվ կառավարման համակարգը ներառում է հետևյալ մարմինները. Բաժնետերերի ընդհանուր ժողով (Բանկի կառավարման բարձրագույն մարմինը), Տնօրենների խորհուրդ, Տնօրենների խորհրդին կից կոմիտեներ, Տնօրինություն և Գլխավոր տնօրեն:



Տնօրենների խորհուրդ



Ասդրեյ Ավրոչյան

Տնօրենների խորհրդի նախագահ

Ունի խորհրդատվության ավելի քան 25 տարվա փորձ ներդրումային և կառավարման ոլորտներում, Հայաստանում ներդրումաբանկային ոլորտի հիմնադիրներից է, մի շարք մասնավոր և պետական կազմակերպությունների խորհրդի անդամ:



Լինդսի Մ. Ֆորբս

Տնօրենների խորհրդի անդամ

Ավելի քան 40 տարվա փորձ առևտրային և ներդրումային բանկային գործառնությունների ոլորտում, որից ավելի քան 20 տարին՝ Վերակառուցման և զարգացման եվրոպական բանկում (ՎՋԵԲ): Նախքան ՎՋԵԲ տեղափոխվելը 13 տարի աշխատել է British Linen Bank-ում՝ Bank of Scotland-ի՝ ներդրումային բանկային գործունեության մեջ մասնագիտացող ոլուստր ընկերությունում:



Ֆիլիպ Լինչ

Տնօրենների խորհրդի անկախ անդամ

Ավելի քան 30 տարվա փորձ ֆինանսների բնագավառում, որից 20 տարուց ավել՝ Lehman Brothers ընկերությունում ղեկավար պաշտոններում: Զբաղեցրել է Nomura-ի գլխավոր գործադիր տնօրենի պաշտոնը՝ Մերձավոր Արևելքի, Ասիա-Խաղաղ օվկիանոս տարածաշրջանի և Աֆրիկայի գծով, իսկ այժմ՝ Stem Capital Partners ընկերության (ուղղակի ներդրումներով զբաղվող անկախ ընկերություն) հիմնադիր գործընկերն է:



Ռոբերտ Ֆոն Ռեկովսկի

Տնօրենների խորհրդի անկախ անդամ

Շուրջ 30 տարվա փորձ համաշխարհային մակարդակով ակտիվների կառավարման ոլորտում, մասնագիտանում է զարգացող շուկաների ներդրումային ֆոնդերում, եղել է «Ֆիդելիթի Ինվեսթմենթս» ընկերության զարգացող շուկաների ռազմավարության բաժնի փոխնախագահը և ընկերության պորտֆելի կառավարիչ:



Ռիչարդ Փ. Օգոն

Տնօրենների խորհրդի անկախ անդամ

Ավելի քան 30 տարի ֆինանսական ոլորտում, զբաղեցրել է ղեկավար պաշտոններ ներդրումային բանկերում, ակտիվների կառավարման և խորհրդատվական ընկերություններում (UBS Warburg, Uralsib և այլն), ներկայումս՝ SS ոլորտում գործունեություն ծավալող TrData ընկերության գործադիր տնօրենն է:



Կախա Կիկնավելիձե

Տնօրենների խորհրդի անկախ անդամ

Ավելի քան 25 տարվա փորձ առևտրային և ներդրումային բանկերում, երկար ժամանակ եղել է Bank of Georgia Group-ի՝ վրաստանի առաջատար ֆինանսական հաստատության տնօրենների խորհրդի անկախ անդամ, հետագայում՝ գործադիր տնօրեն: Զբաղեցրել է բարձր ղեկավար պաշտոններ՝ UBS-ում, Rioni Capital-ում և այլ ֆինանսական հաստատություններում:



Տիգրան Դավթյան

Տնօրենների խորհրդի անկախ անդամ

Գրեթե 30 տարվա հարուստ աշխատանքային փորձ ֆինանսական ոլորտում, ղեկավար պաշտոններ է զբաղեցրել մի շարք առևտրային բանկերում և ավելի քան 8 տարի աշխատել է որպես գլխավոր գործադիր տնօրեն: Ղեկավար պաշտոններ է զբաղեցրել նաև ՀՀ Կենտրոնական բանկում և Եվրասիական տնտեսական հանձնաժողովում:



Տնօրենների խորհրդին կից կոմիտեներ

	Աուդիտի կոմիտե	Կորպորատիվ կառավարման և ղեկավար անձնակազմի նշանակման կոմիտե	Վարձատրության կոմիտե	Ռիսկերի կառավարման կոմիտե
Լինդսի Ֆորբս	ղեկավար			անդամ
Ռոբերտ Ֆոն Ռեկովսկի		անդամ	ղեկավար	
Ռիչարդ Օգոն	անդամ			ղեկավար
Կախաբեր Կիկնավելիձե		ղեկավար	անդամ	
Տիգրան Դավթյան	անդամ			անդամ
Ֆիլիպ Լինչ		անդամ	անդամ	

Անդրեյ Մկրտչյան



Տնօրինություն



Արտակ Հանեսյան

**Տնօրինության
Նախագահ-գլխավոր
տնօրեն**

Ավանու բանկիր՝
Հայաստանի
առևտրային
բանկերում ավելի
քան 25 տարվա
փորձով:
Ամերիաբանկի
գլխավոր տնօրենն է
2008թ-ից, մինչ այդ
ևս զբաղեցնում էր
ղեկավար
պաշտոններ, այդ
թվում՝ գլխավոր
տնօրենի տեղակալի
և գլխավոր տնօրենի
պաշտոններ ԶՀ
բանկային
համակարգում:



Գևորգ Թառումյան*

**Գլխավոր տնօրենի
տեղակալ,
ֆինանսական տնօրեն**

Ավելի քան 25 տարի
ՀՀ բանկային
ոլորտում, այդ
թվում՝ շուրջ 20
տարի
ֆինանսական
տնօրենի
պաշտոնում ինչպես
հայկական, այնպես
էլ Հայաստանում
ներկայացված
արտասահմանյան
բանկերում:
Ամերիաբանկի
ֆինանսական
տնօրենն է 2012թ-ից,



Գագիկ Սահակյան

**Կորպորատիվ և
Արտադրամային բանկինգի
գծով տնօրեն**

Շուրջ 10 տարվա փորձ
կորպորատիվ
բանկային
գործառնությունների և
ավելի քան 15 տարվա
փորձ կառավարման
խորհրդատվական
ծառայությունների
ոլորտում:
Մասնագիտական
ուղին սկսել է «Ամերիա»
ՓԲԸ-ում, որը մի քանի
տարի ղեկավարելուց
հետո ստանձնել է
կորպորատիվ
բանկային
գործունեության գծով
տնօրենի պաշտոն
Ամերիաբանկում
(2010թ-ից):



Արման Բարսեղյան

**Մանրածախ
բանկինգի
տնօրեն**

Ավելի քան 20
տարվա փորձ
մանրածախ
բանկային
գործունեության
ոլորտում ՀՀ
առևտրային
բանկերում, որից 15
տարին «HSBC
Բանկ Հայաստան»-
ում: Ամերիաբանկի
մանրածախ
բանկինգի
տնօրենի
պաշտոն
ստանձնել է 2012թ.:



Արմինե Ղազարյան

**Տաղանդների
կառավարման և
ծառայությունների
գծով տնօրեն**

Շուրջ 20 տարի ՀՀ
բանկային
համակարգում,
որից 15 տարին
մարդկային
ռեսուրսների
կառավարման
(ՄՌԿ) ոլորտում:
2008թ-ից
զբաղեցնում էր
Ամերիաբանկի
ՄՌԿ բաժնի
ղեկավարի
պաշտոնը, իսկ
տաղանդների
կառավարման և
ծառայությունների
գծով տնօրենի
պաշտոն
ստանձնել է 2019թ-
ին:



Անդրանիկ Բարսեղյան

**Ռիսկերի
կառավարման
գծով տնօրեն**

Շուրջ 25 տարվա
փորձ
ֆինանսական
հաստատություններ
ում ռիսկերի
կառավարման և
տեխնոլոգիաների
ավտոմատացման
ոլորտում:
Ամերիաբանկի
Ռիսկերի
կառավարման
կենտրոնի
ղեկավարի
պաշտոն
ստանձնել է 2009թ-
ին:



Գոհար Խաչատրյան

**Գլխավոր
հաշվապահ**

Շուրջ 30 տարի
հաշվապահական
հաշվառման
ոլորտում՝
առանցքային
պաշտոններում,
ինչպես
Կենտրոնական
բանկում, այնպես
էլ առևտրային
բանկերում, այդ
թվում՝ ավելի քան
10 տարի որպես
գլխավոր
հաշվապահ
Ամերիաբանկում:

* Գևորգ Թառումյանի՝ որպես «Ամերիաբանկ» ՓԲԸ Տնօրինության անդամի, Գլխավոր տնօրենի տեղակալի և ֆինանսական գծով տնօրենի իրավասությունները դադարեցվել են ս.թ. հունիսի 28-ից: Բանկի կողմից նախաձեռնվել են Բանկի Տնօրինության անդամի պաշտոնի համալրման համար պահանջվող գործընթացները:



Ֆինանսական հաշվետվություններ



ՀՈԴՎԱԾ	2022թ. 2-րդ եռ.	2021
Դրամական միջոցներ և դրանց համարժեքներ	194,931,072	265,121,326
Շահույթի կամ վնասի միջոցով իրական արժեքով չափվող ֆինանսական գործիքներ	14,483,182	8,223,960
Վաճառքի համար մատչելի ֆինանսական ակտիվներ	38,112,211	12,016,785
Միջոցների կարճաժամկետ տեղաբաշխում դրամական շուկայում	72,740,509	50,866,944
Հաճախորդներին տրված վարկեր և փոխատվություններ	684,501,859	673,086,264
Մինչև մարումը պահվող ներդրումներ	72,372,920	53,686,308
Հիմնական միջոցներ և ոչ նյութական ակտիվներ	21,384,801	21,812,184
Այլ ակտիվներ	13,189,569	11,907,279
Ընդամենն ակտիվներ	1,111,716,123	1,096,721,050
Շահույթի կամ վնասի միջոցով իրական արժեքով չափվող ֆինանսական պարտավորություններ	9,236	92,827
Պարտավորություններ բանկերի նկատմամբ	54,665,979	74,661,355
Հաճախորդների ընթացիկ հաշիվներ և ավանդներ	658,437,327	600,614,296
Այլ փոխառու միջոցներ	92,162,771	127,712,418
Ստորադաս փոխառություններ	28,537,287	27,393,716
Այլ պարտավորություններ	131,418,042	137,315,189
Ընդամենը պարտավորություններ	965,230,642	967,789,801
Բաժնետիր. կապիտալ և էմիս. եկամուտ	54,618,878	54,560,661
Վերագնահատման պահուստ	(1,879,521)	(265,959)
Զբաղիված շահույթ	93,746,124	74,636,547
Կապիտալ	146,485,481	128,931,249



Եկամուտ և ծախսեր

Հազար ՀՀ դրամ

ՀՈԴՎԱԾ	2022թ. 2-րդ եռ.	2021թ. 2-րդ եռ.
Ջուտ տոկոսային եկամուտ	21,811,141	20,267,504
Ջուտ եկամուտ միջևորդավճարներից և այլ նմանատիպ եկամուտ	3,650,801	2,396,431
Ջուտ շահույթ/(վնաս) առևտրային գործառնություններից	14,657,620	3,463,793
Այլ գործառնական եկամուտ/(ծախս)	(1,707,718)	(815,888)
Գործառնական եկամուտ	38,411,844	25,311,841
Կորուստներ արժեզրկումից	116,406	(4,134,122)
Անձնակազմի ծախսեր	(11,160,341)	(6,122,711)
Ընդհանուր վարչ. ծախսեր	(3,852,414)	(3,328,017)
Ծահույթ/(վնաս) նախքան հարկումը	23,515,495	11,726,991
Ծահուրահարկ	(4,405,918)	(2,245,750)
Ջուտ շահույթ/(վնաս)	19,109,577	9,481,241



ՀՀ ԿԲ-ի տնտեսական նորմատիվներ

ՀՈԴՎԱԾ	2020	2021	2022թ. 2-րդ եռ. ՀՀ ԿԲ պահանջ	Խախտում	
Նվազագույն կանոնադրական կապիտալ (հազ. ՀՀ դրամ)	37,386,880	54,385,935	54,414,765	50000	Չկա
Նվազագույն ընդհանուր կապիտալ (հազ. ՀՀ դրամ)	129,123,968	143,832,191	157,605,822	30,000,000	Չկա
Ն1.2` Ընդհանուր կապիտալ/ռիսկով կշռված ակտիվներ	13.57%	15.29%	16.20%	12.00%	Չկա
Ն2.1` Բարձր իրացվելի ակտիվներ/ընդհանուր ակտիվներ	22.53%	31.84%	33.17%	15.00%	Չկա
Ն2.1.1` Առաջին խմբի արժույթով բարձր իրացվելի ակտիվներ/առաջին խմբի արժույթով ընդհանուր ակտիվներ	17.87%	33.46%	37.00%	4.00%	Չկա
Ն2.2` Բարձր իրացվելի ակտիվներ/ցպահանջ պարտավորություններ	85.32%	110.18%	90.82%	60.00%	Չկա
Ն2.2.1` Առաջին խմբի արժույթով բարձր իրացվելի ակտիվներ/առաջին խմբի արժույթով ցպահանջ պարտավորություններ	80.73%	121.88%	98.73%	10.00%	Չկա
Ն3.1` Մեկ փոխառուի գծով ռիսկի առավելագույն չափ	14.63%	11.75%	15.23%	20.00%	Չկա
Ն3.2` Խոշոր փոխառուների գծով ռիսկի առավելագույն չափ	227.24%	147.15%	124.11%	500.00%	Չկա
Ն4.1` Բանկի հետ կապված մեկ անձի գծով ռիսկի առավելագույն չափ	1.15%	3.44%	3.05%	5.00%	Չկա
Ն4.2` Բանկի հետ կապված բոլոր անձանց գծով ռիսկի առավելագույն չափ	7.33%	10.28%	9.37%	20.00%	Չկա
ՀՀ ԿԲ-ում տեղաբաշխվող պարտադիր պահուստների նվազագույն չափ				4%	Չկա
ՀՀ դրամ	X	X	X	18%	
Արտարժույթ					
Արժույթային դիրքի և բանկի ընդհանուր կապիտալի առավելագույն հարաբերակցությունը	0.05%	0.07%	0.07%	10.00%	Չկա



Ֆինանսական

Հաշվետվություններ և կից
ծանոթագրություններ:

այստեղ



Հաշվետու թողարկողի պատասխանատու առձանց հայտարարություն







«ԱՄԵՐԻԱԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

Գտնվելու վայրը՝ ԶԶ, ք. Երևան, Վ. Սարգսյան 2,
Հեռախոս՝ (+37410) 56 11 11, Ֆաքս՝ (+37410) 51 31 33

ՀԱՆՎԵՏՈՒ ԹՈՂԱՐԿՈՂԻ ՊԱՏԱՍԽԱՆԱՏՈՒ ԱՆՁԱՆՑ ՀԱՅՏԱՐԱՐՈՒԹՅՈՒՆ

Սույնով հաստատում ենք, որ մեր լավագույն տեղեկացվածության համաձայն՝

1. «Ամերիաբանկ» ՓԲԸ /այսուհետ՝ Թողարկող/ 2022թ. առաջին կիսամյակի հաշվետվությունում ներառված տեղեկությունները ճշգրիտ և լիարժեք են և բոլոր էական առումներով համապատասխանում են «Արժեթղթերի շուկայի մասին» ՀՀ օրենքի և ՀՀ ԿԲ Կանոնակարգ 4/04-ի պահանջներին:
2. Ներկայացված՝ 2022թ. երկրորդ եռամսյակի աուդիտ չանցած ֆինանսական հաշվետվությունները կազմված են ֆինանսական հաշվետվությունների միջազգային ստանդարտների համաձայն և, բոլոր էական առումներով, ճշգրիտ և լիարժեք ձևով արտացոլում են Թողարկողի ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը 2022թ. հունիսի 30-ի դրությամբ, ինչպես նաև Թողարկողի գործունեության արդյունքներն ու դրամական միջոցների հոսքերը հաշվետու ժամանակաշրջանի համար:

Արման Բարսեղյան (անուն, ազգանուն)	Գլխավոր տնօրեն, տնօրինության նախագահի ժ/պ (պաշտոն)	 (ստորագրություն)
Հովհաննես Թորոյան (անուն, ազգանուն)	Տնօրինության անդամի ժ/պ (պաշտոն)	 (ստորագրություն)
Արմինե Ղազարյան (անուն, ազգանուն)	Տնօրինության անդամ, Տաղանդների կառավարման և ծառայությունների գծով տնօրեն (պաշտոն)	 (ստորագրություն)
Երեմ Ճահբաջյան (անուն, ազգանուն)	Տնօրինության անդամի ժ/պ (պաշտոն)	 (ստորագրություն)

Ռիմա Խլղայան

(անուն, ազգանուն)

Տնօրինության անդամի ժ/պ

(պաշտոն)




(ստորագրություն)

Գոհար Խաչատրյան

(անուն, ազգանուն)

Տնօրինության անդամ, Գլխավոր հաշվապահ

(պաշտոն)



(ստորագրություն)